

6 mantangorri

Hitz gutxitan

Euskara Kultur Elkargoak eta Pamiela argitaletxeak mikroipuin lehiaketa antolatu du, zortzigarren urtez. Euskaraz ikasten duten Nafarroa osoko Lehen Hezkuntzako eta Derrigorrezko Bigarren Hezkuntzako ikasleentzat da lehiaketa. Abenduaren 20rako aurkeztu behar dira lanak.

Ehun hitz. Ez gehiago. Horixe dago mugā. Hamar leerro, gutxi gorabehera. Zaila dirudi erronkak, baina posible da. Posible da ehun hitzekin istoriotxo bat jostea. Posible da hamar lerrotan ipuintxo bat kontatzea.

Zazpi urtez posible dela erakutsi dute Nafarroako Lehen Hezkuntzako zein Derrigorrezko Bigarren Hezkuntzako ikasleek. Eta, posible denez, aurten ere mikroipuin lehiaketa antolatu dute Euskara Kultur Elkargoak eta Pamiela argitaletxeak. Hauxe da lehiaketa antolatzen duten zortzigarren urtea. Nafarroa osoko ikastetxeetan euskaraz ikasten duten Lehen Hezkuntzako eta Derrigorrezko Bigarren Hezkuntzako ikasleentzako lehiaketa da. Eta azken urteetan A ereduan diharduteneikasleek era-kutsi duten ahaleginarenengatik, arlo berezi bat prestatu dute haientzat.

Zein da egitekoa? Ehun hitz dituen istorio bat idaztea. Ehun hitz, ez gehiago. Idazlanek euskaraz egon behar dute, noski, eta beste baldintza hauek ere bete behar dituzte: jatorrizkoak izan behar dute, argitaratu gabeak eta aurrez lehiaketaren batean aurkeztu eta saritu gabeak.

Abenduaren 20a izango da lanak aurkeztekoko azken eguna. Hiru bide erabil daitezke lanak bidaltzeko: Euskara Kultur Elkargoak Iruñean duen egoitzara eramanda, posta arruntez bidalita edo posta elektronikoz igorrira.

Idazlanean bertan ezin dira egi-

learen datuak agertu. Beraz, lanak goitizen batekin sinatu behar dira. Lanak aurkezterakoan, goitzenarekin sinatuta bidaliko da idazlana, eta, idazlanarekin batera, beste gutun edo dokumentu batean idatziko dira egilearen datuak: ikaslearen goitzena, izen-abizenak, adina, maila eta ereduak.

Posta arruntez bidaltzeko, hauxe da EKE-ko helbidea: EKE / Co-medias kalea, 14-1 / 31.001 Iruñea. Posta elektronikoz bidali nahi bada, hauxe da helbidea: mikroipuinak@euskarakultur.org

Lan guztiak bildu eta epaimahai-ko kideek irakurri ostean, 2014ko martxoan jakinaraziko dira irabazleen izenak. Uste baino lan gehiago jasotzen badira, irabazleen izenak jakinarazteko eguna alda daiteke.

Orotara, lau lehen sari banatuko dira: bi sari, D ereduko Lehen eta Bigarren hezkuntzan; beste bi A ereduko Lehen eta Bigarren hezkuntzan. Pamiela argitaletxearen liburu sorta bana jasoko du irabazole bakoitzak. Horrez gain, aurkeztu diren lanen originaltasuna eta kalitatea gogoan izanik, epaimahai-ko kideek erabakiko dute zein ikastetxetan egingo den sari banaketa. Mariasun Landa idazlea izango da sari banaketako aurtego gönbidatu berezia.

Lehiaketaren oinarriak zehatzago irakurtzeko edo edozein zalantza argitzeko, begiratu www.euskarakultur.org/eus/araauak-2013webgunean.

Hilabete geratzen zaizue oraindik ehun hitz aukeratu, eta istorio labur baina ederra osatzeko.

